

Հ. Կարապետյան

ՄԻ ԷՋ ՄԱՅԻՍՅԱՆ ԱՊՍՏԱՄԲՈՒԹՅԱՆ ՊԱՏՄՈՒԹՅՈՒՆԻՑ

Հայ ժողովրդի բազմադարյան պատմությունը հարուստ է առատա-
գրական պայքարի բազմաթիվ փառավոր էջերով: Սակայն, այդ պայքարը
հաղթանակով պսակվեց և հայ ժողովուրդն իր պետականությունը վերա-
կանգնեց ու ազգային վերածննդի հնարավորություն ստացավ միայն Հոկ-
տեմբերյան Սոցիալիստական Մեծ ուղուցիայի միջոցով, ուստի մեծ ժողո-
վրդի եղբայրական օգնությամբ: Հայ ժողովրդի ազատագրումը սերտ կեր-
պով կապվեց Հոկտեմբերյան ուղուցիայի հետ, ժամային Սովետական իշ-
խանության գաղափարը Հայաստանին բերեց խաղաղություն և ազգային
վերածննդի հնարավորություն¹:

Հոկտեմբերյան Սոցիալիստական Մեծ ուղուցիայից անմիջապես հետո,
Հայաստանի բանվորները, զինվորները և աշխատավոր գյուղացիները,
Անդրկովկասի մյուս ժողովուրդների աշխատավորության հետ միասին, բոլ-
շևիկների պարտիայի ղեկավարությամբ, պայքար ծավալեցին երկրում սովե-
տական կարգեր հաստատելու համար: Սակայն, հայ ժողովրդի նողկալի թշնա-
մի դաշնակները և Անդրկովկասի ամբողջ կոնտրոկուցիան բլոկ կազմած,
կատարելով իրենց տերերի կամքը, աշխատավոր դասակարգերի շահերին
հակառակ, Անդրկովկասը անջատեցին Սովետական Ռուսաստանից ու հաս-
տատեցին իրենց արյունոտ տիրապետությունը:

Դաշնակների տիրապետության տարիները՝ 1918—1920 թվական-
ները հայ ժողովրդի պատմության ամենամռայլ էջերն են: Հայ ժողո-
վուրդն իր դարավոր պատմության ընթացքում երբեք այնպիսի ծայր աս-
տիճանի ծանր, ճակատագրական ու ողբալի ժամանակաշրջան չէր ապրել,
ինչպես ապրեց հայ աշխատավորների ոխերիմ թշնամի դաշնակների կար-
ճատե, տիրահոյակ տիրապետության տարիներին:

Ստեղծված ծանր դրությունից դուրս գալու միակ ելքը դաշնակների
տիրապետության տապալման, անգլո-ամերիկյան իմպերիալիստներին երկ-
րից վռնդելու և Հայաստանում սովետական կարգեր հաստատելու մեջ էր:

Հայ աշխատավոր ժողովուրդը իր ազատությունը սպասում էր միայն
և միայն Սովետական Ռուսաստանից: 1919 թ. վերջերին և 1920 թ.
սկզբներին սովետական իշխանության տարած աննախընթաց հաղթանակ-
ները ներքին և արտաքին թշնամիների դեմ, դենիկինյան հրոսակախմբերի
ջախջախման ստալինյան պլանի իրականացումը, Ուկրաինայի և Հյուսիս-
սային Կովկասի ազատագրումը, 1920 թ. սովետական զինված ուժերի
ընդհուպ մոտեցումը Անդրկովկասին, այդ բոլորը մեծ թափ հաղորդեցին
Հայաստանի աշխատավորության ուղուցիոնացմանը: Հայաստանի աշխա-
տավորները, Անդրկովկասի բոլոր ժողովուրդները ակտիվ պայքարի դուրս

¹ Ի. Վ. Ստալին, Երկեր, հ. 4, էջ 458:

եկան հանուն իրենց ազատության, ընդդեմ ռազմային կառավարությունների, ընդդեմ զաշնակների, մենշևիկների և մուսավաթիսաների:

Ազրբեջանի աշխատավորները Բաքվի պրոլետարիատի գլխավորությամբ, 1920 թ. ապրիլի լույս 28-ի գիշերը ապստամբվեցին և Կարմիր Բանակի օգնությամբ տապալեցին մուսավաթիստների բուրժուա-խանական-նացիոնալիստական տիրապետությունը և Ազրբեջանում հաստատեցին սովետական իշխանություն:

Հայաստանի աշխատավորները ջերմորեն ողջունեցին Ազրբեջանի բանվորների ու գյուղացիների պատմական մեծագույն հաղթանակը: Երանք Ազրբեջանի աշխատավորների օրինակով պայքար ծավալեցին ներքին և արտաքին ճնշումից ազատագրվելու, Ռուսաստանի ժողովուրդների հետ իրենց եղբայրական կապերը վերականգնելու համար:

Հայաստանի բանվորների, գինվորների և աշխատավոր գյուղացիների պայքարը հանուն սովետական կարգերի հաստատման, ավելի ցայտուն կերպով դրսևորվեց 1920 թվականի մայիսի 1-ին՝ երկրի բազմաթիվ վայրերում տեղի ունեցած ցույցերի ժամանակ:

Ալեքսանդրապոլում, Կարսում, Սերահնում, Սարիղամիշում, Ղարաքիլիսայում և մյուս վայրերում տեղի ունեցած մայիսմեկյան մարտական ցույցերը արտահայտում էին Հայաստանի աշխատավորների եղբայրական համակրանքը դեպի ռուս մեծ ժողովուրդը, դեպի հոկտեմբերյան ռևոլուցիան, դեպի ազրբեջանական եղբայրական ժողովուրդը:

1920 թ. զարնանը երկրում ստեղծված ռևոլուցիոն սիտուացիան փոխվեց ապստամբության: Մայիսի մեկից հետո Ալեքսանդրապոլում, Սարիղամիշում, Կարսում, Նոր-Բայազետում, Ղազախ-Շամշադինում և մյուս վայրերում ապստամբություններ բռնկվեցին ընդդեմ հայ ժողովրդի դահիճ զաշնակների, ընդդեմ նրանց արյունոտ տիրապետության, ընդդեմ անգլո-ամերիկյան զաղութարարների:

* *

Մայիսյան ապստամբության պատմության փառավոր էջերից մեկն է հանդիսանում Կարսի ապստամբությունը:

Ամբողջ Հայաստանում, այդ թվում և Կարսում, 1920 թվականի ապրիլից քաղաքական դրությունը ավելի է սրվում, ավելի է խորանում Հայաստանի աշխատավորական լայն մասսաների ռևոլուցիոնացումը, ավելի բացահայտորեն է արտահայտվում աշխատավորների ատելությունը դեպի կոնտրռևոլուցիոն զաշնակները և նրանց հակաժողովրդական ուժիմը: Մյուս կողմից ավելի ու ավելի է բարձրանում Հայաստանի կոմունիստական պարտիայի հեղինակությունը աշխատավորական լայն խավերի մեջ: Դաշնակները զգում են, որ իրենց ոտքի տակի հողը արդեն զնում է: Ինչպես Ալեքսանդրապոլի, Սարիղամիշի և մյուս վայրերի, այնպես էլ Կարսի կայազորի ու մյուս զորամասերի գինվորների բացարձակ գերակշռող մասը համակված էր հակազաշնակցական տրամադրություններով: Չինվորների մեջ կատարվող քաղաքական-մասսայական աշխատանքի շնորհիվ նրանց գիտակից մասը մտնում էր կոմունիստական պարտիայի շարքերը: Չինվորական մասերում ստեղծվել էին կոմունիստական բջիջներ, որոնք զգալի աշխատանք էին կատարում գինվորների մեջ, Չինվորների հիմնական մասը

չէր կատարում հրամանատարների կարգադրությունները, Ձինվորների քմ-րոստ ելույթները ընդդեմ հրամանատարության ավելի հաճախակի էր դարձել, Դաշնականներն ու ռեակցիոն սպայության կողմից գործադրվող ահարեկում-ներն ու հալածանքները ավելի էին բորբոքել զինվորների ատելությունը տիրող ռեժիմի դեմ:

Մինչև մայիսյան ապստամբությունը՝ մի շարք զորամասերում՝ Սա-րիղամիշում, Դիլիջանում, Բասարզեչարում, Դորխում և այլ վայրերում տեղի են ունենում զինվորների կազմակերպված ելույթներ ընդդեմ տիրող կարգերի:

Ադրբեջանում սովետական իշխանության հաստատման լուրը և Կար-միր Բանակի մուտքը Անդրկովկաս, է՛լ ավելի է ոգևորում Հայաստանի ռանվորներին, գյուղացիներին և զինվորներին, նրանց մղում է ռեյոլու-ցիոն ակտիվ պայքարի:

Կարսի բանվորներն ու զինվորները մեծ եռանդով նախապատրաստվում են մայիսմեկյան ցույցերին: Դադաքի աշխատավորների մեջ կատարվող քաղաքական-մասսայական աշխատանքը մեծ ծավալ է ստանում: Ապրիլի վերջերին երևանից Կարս է գալիս Հայաստանի Կոմունիստական Պարտիայի Կենտկոմի (Արմենկոմի) ներկայացուցիչ Ղուկաս Ղուկասյանը, որը անմի-ջապես անցնում է գործնական աշխատանքի:

Կարսի աշխատավորների պայքարը հանուն սովետական իշխանության, նրանց վճռականությանը դաշնականների մարիոնետային «կառավարությունը» տապալելու գործում, ավելի պարզորոշ է դառնում մայիսմեկյան ցույցի ժամանակ: Յուրաքանչյուրը բացառապես գնում են բոլշևիկների ետևից, բոլշևիկյան լոգունգներով, Դաշնականներն անգամ ստիպված էին խոստովա-նել, որ մասսաները գնում են բոլշևիկների ետևից, որ բոլշևիկները իրա-դրության տերն են: Դաշնականներն իրենք խոստովանում էին, որ բոլշևիկ-ները իրենց զգում են թևավորված և գործում են համարձակ:

Կարսի բանվորներն ու զինվորները սպասում էին ապստամբության ազդանշանի:

Կարսի կոմունիստական կազմակերպության ակտիվի մայիսի 6-ի նիստում քննության է առնվում ապստամբության հարցը: Նիստում ղե-կուցումով հանդես է գալիս Ղուկաս Ղուկասյանը, որը պարտիական կազմա-կերպությանը դիրքորոշում է դեպի ապստամբություն: Նիստը միջոցա-ռումներ է մշակում ապստամբությունը նախապատրաստելու, այն հաղթա-նակով առաջ տանելու ուղղությամբ և ընդունում է մարտական որոշում: Մայիսի 7-ին Ալեքսանդրապոլում կապիտան Ս. Մուսայելյանի զրահա-գնացքում գումարվում է խորհրդակցություն, որտեղ կազմվում է Հայաս-տանի Ռազմա-ռեյոլուցիոն Կոմիտե: Այդ խորհրդակցությանը ներկա է լի-նում նաև Ղուկաս Ղուկասյանը:

Ռազմա-ռեյոլուցիոն Կոմիտեն որոշում է Ալեքսանդրապոլում և Կար-սում ապստամբություն սկսել միաժամանակ, մայիսի 9—10-ին, Ալեք-սանդրապոլից Կարս վերադառնալով, Ղուկաս Ղուկասյանը գործնական մի-ջոցառումներ է ձեռնարկում Ռազմա-ռեյոլուցիոն Կոմիտեի գիրեկախները կատարելու համար: Մայիսի 8-ին կազմակերպվում է Կարսի Ռազմա-ռեո-լուցիոն Կոմիտեն, որն իր ձեռքն է վերցնում ապստամբության կազմա-կերպման ղեկավարությունը, իսկ երկու օրից հետո՝ նաև իշխանությունը:

Ռեկոմի գլուխն է կանգնում Ղուկաս Ղուկասյանը, որը գլխավորում է զին-
վորական ու պարտիական ամբողջ զործը:

Մինչև ապստամբությունը դաշնակները փորձում են քաղաքի աշխա-
տավորներին, մանավանդ զինվորներին հեռու պահել կոմունիստների ազ-
դեցությունից: Նրանք դիմում են ամեն տեսակ ստոր միջոցների, պրո-
վոկացիաների, նպատակ ունենալով հեռու պահել զինվորներին ապստամ-
բությունից և նրանց միջոցով խեղդել ապստամբական յուրաքանչյուր
փորձ: Սակայն այդ նրանց չի հաջողվում: Մի քանի օրից հետո դաշնակ-
ները և կայազորի հրամանատարությունը արդեն խոստովանում էին, որ
մայիսի 10-ին իրենց տրամադրության տակ լիովին վստահելի ոչ մի զո-
րամաս չկար, որ զինվորների տրամադրությունը, չնչին բացառությամբ,
հակադաշնակցական էր, նրանք կատարում էին միմիայն Ռեկոմի հրա-
հանգները:

Մայիսի 10-ին ապստամբում է Ալեքսանդրապոլը: Նույն օրը ապստամ-
բում են նաև Կարսի բանվորներն ու զինվորները, իշխանությունը անց-
նում է Ռեկոմի ձեռքը: Կոնտրոկուլցիան ի վիճակի չի լինում կասեցնել
ապստամբությունը, որը արագորեն ծավալվում է:

Ապստամբ ուժերի ավանգարդումն էին դարձի և երկաթուղու բան-
վորները, նրանց հետևում էին կայազորի զինվորները և քաղաքի մյուս
աշխատավորները: Ապստամբությունը ակտիվ կերպով մասնակցում են
Կարսի ամրոցի զինվորները, պարետային վաշտը, առաջին գնդի զինվոր-
ները, ինչպես նաև 5-րդ գունդը, որը մայիսի 10-ի իր միտինգում որո-
շում է պաշտպանել Ռեկոմի իշխանությունը և գնդի հրամանատարությունը
հայտնում է Ռեկոմին իր պատրաստակամությունը՝ կատարելու նրա բոլոր
կարգադրությունները:

Այդպիսով, քաղաքի ամբողջ բանվորները, կայազորի զինվորները և
կրտսեր սպայական կազմի գերակշռող մասը գնում են բոլշևիկների կողմից
և հանդիսանում են Կարսի ապստամբության հիմնական ուժը:

Ապստամբները գրավում են փոստ-հեռագրատունը, երկաթուղային
կայարանը, ավտոգարաժը և այլ կարևոր օբեկտներ: Ռազմա-ոկուպացիոն
Կոմիտեի հսկողության տակ է անցնում Կարսի Ամրոցը իր կայազորով և
քաղաքի զգալի մասը: Ռեկոմը վերջնագրով պահանջում է Կարսի նահան-
գապետից և քաղաքի մնացած հիմնարկներից ու զինվորական հրամանա-
տարությունից՝ անվերապահորեն ենթարկվել Ռեկոմի իշխանությանը: Թըշ-
նամին հարկադրված, առանց առարկումների համաձայնում է ենթարկվել
Ռեկոմի կարգադրություններին, սակայն իրականում նա ձգտում է քո-
ղարկել իր իսկական նպատակները:

Կարսի կայազորի հրամանատարը դաշնակցական բանակի հրամանա-
տարին ուղղած գաղտնի հաղորդման մեջ քաղաքում տիրող դրության
մասին գրում է. «Մայիսի 10-ին սկսվեց բոլշևիկյան հեղաշրջում: Զին-
վորների տրամադրությունը փոքր բացառությամբ հակակառավարական
էր: Կարսի Հեղկոմը կարգադրություններ է արել, որոնք զինվորների կող-
մից կատարվում են: Այդ հանդամանքը գրկում էր ինձ բացարձակ ուժով
գործելուց»¹:

¹ ՀՍՍՐ ԳԿԱ, ֆ. 68, 200, դ. 702, թ. 4:

Թշնամին չի թաքցնում նաև, որ ոչ միայն զորքը, այլև միլիցիայի շարքային կազմը հիմնականում տրամադրված էր բոլշևիկոսներն, և գնում էր աշխատավոր ժողովրդի ու զորքի հետևից՝:

Ապստամբությունը կազմակերպող Ռեկոմը, սակայն, թույլ է տալիս մի շարք սխալներ:

Բռնանույթյունը Ռեկոմի ձեռքն անցնելուց հետո, չեն մեկուսացվում ոչ կայազորի հրամանատարությունը, ոչ կոնտրոլուցիոն սպայական կազմը: Ձեն մեկուսացվում դաշնակ կառավարական գործիչներն ու աչքի ընկնող թշնամական տարրերը: Ռեկոմը չի գրավում քաղաքի այն մասը, որտեղ թշնամին բուն էր դրել և պլաններ էր մշակում ապստամբների դեմ: Ապստամբները չեն գրավում մի շարք հիմնարկներ, որոնք կարևոր էին. պատասխանատու պոստերում նստած զգալի թվով դաշնակներ պաշտոնադուրկ չեն արվում, չեն լիսարինվում Ռեկոմի ներկայացուցիչներով: Ռեկոմը հապաղում է իր թիկունքում գործող թշնամուն ջախջախելու գործում: Ժողովրդի կատաղի թշնամի երեք գործիչներ, որոնք ձերբակալված էին, Ալեքսանդրապոլից ստացված կարգադրության համաձայն ազատ են արձակվում: Հայաստանի Ռազմա-ռեյուցիոն Կոմիտեն հետագայում որպես ժողովրդի թշնամիներ մերկացված մի քանի մարդկանց ճնշման տակ Ալեքսպոլից դիմեկտիվ է տալիս ոչ մի ձերբակալություն չկատարել, ռեպրեսիվ միջոցների չդիմել, ինչպես այդ չէր կատարվում նաև Ալեքսանդրապոլում:

Մինչդեռ Ռեկոմը Ալեքսանդրապոլից սպասում էր օգնության և նոր գերեկտիվներ, կոնտրոլուցիան գործում է: Մայիսի 10-ին Ռեկոմի կողմից չմեկուսացված կայազորի հրամանատարը խորհրդակցություն է ունենում տապալված իշխանության նախագահների և դաշնակցական կառավարության արտակարգ լիազորի հետ, որոշվում է՝ առանց առարկումների ընդունել Ռեկոմի վերջնագիրը և ժամանակավորապես բոլշևիկներին դեմ ակտիվ, բացարձակ գործողությունների չդիմել, այլ օգտագործել ստեղծված հնարավորությունները, ամուր րոտնցք ստեղծել և նախապատրաստվել հետագայում հանդես գալու համար: Հրահանգվում է կոնտրոլուցիոն սպայությանը, դաշնակ գործիչներին և պետական պաշտոնեյությունը՝ մինչև վերջ մնալ իրենց գրաված պոստերում և կատարել վարկարեկիչ պրովոկացիոն աշխատանք՝ ապստամբական ուժերը քայքայելու և քաղաքի մանր բուրժուազիային, առևտրականներին ու հետաձուց տարրերին սովետական իշխանության դեմ գրգռելու համար:

Մայիսի 11-ին դաշնակները կազմակերպելով մի խումբ մառազներխտներ և անցնելով պրովոկացիայի ենթարկված անկազմակերպ ամբուխի գլուխ, փորձում են ահաբեկել ապստամբներին: Նրանք նախ շարժվում են դեպի Ռեկոմի շենքը, որպեսզի շոշափեն նրա ուժերը և հնարավորության դեպքում վերականգնեն տապալված իշխանությունը: Կոնտրոլուցիայի այդ փորձը խիստ հախճարված է ստանում: Դաշնակները որոշում են ավելի պատրաստված հանդես գալ, քի նկատի ունենալով, որ բոլշևիկներին դիրքը քաղաքային ավտոգարածում պաշտպանված էր շատ զքնդացիներով և մեծ թվով զինվորներով,—գրել է այդ մասին գեներալ Փի-

¹ Համկ(ը)Պ Կենտկոմին Կից Մարքսի—Էնգելսի—Լենինի ինստիտուտի Հայկական ֆիլիալի արխիվ, ֆ. 16, ք. 1, թ. 19:

բուժումը,— և որ կառավարական զինվորների տրամադրությունը տատանվում էր, բացահայտ ուժով ցերեկը զրոհել բուժակներին անհնարին էր։ Ենթադրվում էր, զրոհը կատարել գիշերը¹։

Ալեքսանդրապոլից սպասվող օգնությունը ուշանում է։ Ռեկոմը սպասողական քաղաքականություն է վարում, թշնամուն ջախջախելու գործնական քայլերի չի ձեռնարկում։

Կարսի բանվորների և զինվորների հերոսական պայքարին անհրաժեշտ մասնակցություն չի ցուցաբերում նահանգի գյուղացիությունը։ Այդ բացատրվում է նրանով, որ մինչև ապստամբությունը գյուղում անհրաժեշտ քաղաքական-մասսայական աշխատանք չէր կատարվել։ Ապստամբությունը թեև քաղաքում հաղթում է, բայց այն քաղաքի շրջանակներից դուրս չի գալիս։ Չնայած դրան, գյուղացիների առաջավոր մասը, այդ թվում նաև ազգային փոքրամասնությունների աշխատավորները, մասնավորապես Կարսի շրջակայքում, պատրաստակամություն են ցուցաբերում սովետական իշխանությունը օգնելու համար։ Ռուս ազգային փոքրամասնության ներկայացուցիչները նույնիսկ մի կոչով գիմում են ազգաբնակչությանը և կոչ անում՝ կազմակերպել մարտական խմբեր, օգնել ռեգիմենտի իշխանությունը։

Մայիսի 11-ին հակառակորդը կազմակերպում է գիշերային հարձակում։ Նա հավաքում է մի քանի տասնյակ տատանվող զինվորներ, միլիցիային, տեղի մանգերիստներին և մայիսի լույս 12-ի գիշերը հարձակվում է կապարանի վրա ու զրավում այն, Դաշնակների պլանն էր՝ շարունակելով հարձակումը՝ զրավել նաև ապստամբների շտաբը, սակայն հարձակումը ետ է մղվում։

Մայիսի 12-ից Կարսի ապստամբների համար ստեղծվում է կրիտիկական մոմենտ։ Դրսից օգնություն չի գալիս, իսկ քաղաքում ստեղծվում է, այսպես կոչված, երկիշխանություն։ Համարձակ գործողությունների անցնելու մոմենտը Ռեկոմը ձեռքից բաց էր թողել։ Թշնամին, օգտվելով ապստամբ ուժերի համար ստեղծված աննպաստ իրադրությունից, պատրաստվում է նոր հարձակման։

Ստեղծված իրադրության պայմաններում Ռեկոմը որոշում է փոխադրվել Ամրոց։ Մայիսի 12-ին ապստամբները կենտրոնանում են Ամրոցում։

Չինված ուժով զրավել Ամրոցը, դաշնակների համար անհնարին էր, ուստի նրանք որոշում են առաջ քշել ամբոխին՝ կանանց, երեխաներին և այլն, իսկ նրանց ետևից քողարկված, շարժել զինված ուժը։ Ապստամբները անգնեն քաղաքացիների, երեխաների ու կանանց վրա կրակ բաց չեն անում, նրանք հրանոթային մի քանի ոչ նշանառու կրակով վախեցնում են ամբոխին՝ հետ քաշվելու համար։

Դաշնակների այդ խորամանկությունը ևս հաջողություն չի ունենում, բայց կոնտրոկուցիան օգտվում է ապստամբներին Ամրոցում, Կապը դրսի հետ, առաջին հերթին Ալեքսանդրապոլի և Սարիգամիշի հետ, կտրելվում է։ Դաշնակները որոշ վայրերում քանդում են Սարիգամիշ—Կալս երկաթուղին, որպեսզի կանխեն Սարիգամիշից ապստամբներին սպասվող օգնությունը։ Ապստամբները սննդամթերքի մեծ կարիք էին զգում, իսկ

¹ Հայկական ՍՍԽ ՊԿԱ, ֆ. 68.200, պ. 792, էջ 4։

ջրի պակասը կրիտիկական դրուժյուն էր ստեղծել, որը դնալով սրվում էր։ Ստեղծված ծանր դրուժյունը օգտագործում են զորամասը շարքերից չմաքրված ռեակցիոն սպաները և քայքայիչ աշխատանք կատարում զին-վորների մեջ։

Ըրսից ոչ մի օգնություն չստանալով, դտնվելով լրիվ օղակման և մեկուսացման վտանգի տակ, հաշվի առնելով ստեղծված դժվարություն-ները, Ռեկոմը որոշում է նահանջել դեպի Ալեքսանդրապոլ։

Մայիսի լույս 13-ի գիշերը ապստամբության ղեկավարները, թվով 27 հոգի, Չախմախ գյուղի ուղղությամբ ճեղքում են օղակը և դուրս են դալիս Ամրոցից։ Չախմախում պուղացիները նրանց կերակրում են, որից հետո ապստամբներն ուղղություն են վերցնում դեպի Մազրա գյուղը, նպատակ ունենալով այդ ճանապարհով անցնել Ալեքսանդրապոլ։ Ապըս-տամբներն իրենց նահանջի ճանապարհին մի քանի տեղ զինված ընդհա-րում են ունենում հակառակորդի ուժերի հետ։ Այդպիսի մարտ ապըս-տամբները ունենում են նախ Մազրա գյուղի մաուզերիստների հետ, որոնք խմբապետ քահանայի ղեկավարությամբ ուզում էին կտրել ապըս-տամբների նահանջի ճանապարհը։ Գահանայի բանդան չի դիմանում ապըս-տամբների ճնշմանը և նահանջում է, բաց անելով ապստամբների ճանա-պարհը։ Երկրորդ ընդհարումը տեղի է ունենում Բաշկադիբլար կայարանի մոտերքը։ Այսպիսով, ապստամբները ոտքով, սննդամթերքի բացակայու-թյան պայմաններում, չափից դուրս հոգնած, պայքարով ճանապարհ են հարթում և հասնում Արգինե գյուղի ջրաղացների մոտ։

Մինչ այդ՝ դաշնակները սկսում են որսալ Գարսում՝ նահանջի հնա-րավորությունից զրկված կոմունիստներին ու նրանց համակրողներին, իսկ մյուս կողմից՝ կազմակերպել նահանջող ապստամբների հետապնդումը։ Մոտ յոթանասուն մաուզերիստ, երկու բեռնատար ավտոմեքենաներով, Արգինե գյուղի ջրաղացների մոտ դեմ առ դեմ հանդիպում են խիզախների խմբին։ Սկսվում է անհավասար և կատաղի մարտ։ Մոտակա Արգինե գյու-ղից թշնամուն օգնության է գալիս մաուզերիստների մի նոր խումբ՝ 40—50 հոգուց բաղկացած, որի շնորհիվ հակառակորդի ուժը մի քանի ան-դամ գերազանցում է ապստամբների ուժին։ Ապստամբների դրուժյունը դառնում է կրիտիկական։ Մահացու վերք է ստանում ապստամբների ղե-կավար Ղուկաս Դուկասյանը։ Նրանց շարքերը աստիճանաբար նոսրանում է, փամփուշտը վերջանում, խիզախները սկսում են կովել նռնակներով։ Թշնամին նույնպես կորուստներ է ունենում, բայց նա թվական գերա-զանցություն ունենալով, շարունակում է մարտը, որի ելքը վճռվում է հօգուտ հակառակորդի։

Այդ կարճ, բայց կատաղի մարտի և ապստամբների հերոսական դի-մադրության մասին հետաքրքրական նյութեր է տալիս Գարսի ապստամ-բության մասնակից Լ. Ղազարյանը։

«Մազրա գյուղի քահանայի խմբի հետ ճունեցած կռիվը վերջանալուց հետո շարունակեցինք մեր ճանապարհը և այդ ամբողջ օրն ու գիշերը ճա-նապարհ գնալով, մայիսի 14-ի առավոտյան հասանք Արգինե գյուղի ջրա-ղացներին, որտեղ կանգ առանք հանգստանալու...»

Պետք է ասել, որ բոլորս սաստիկ հոգնած էինք, անքուն և քաղցած։ Մենք համոզված էինք, որ այդ տեղն արդեն ապահով է, Ալեքսանդրապո-

լին մոտիկ է և այլևս դաշնակցականներին չկա՝ Մոտավորապես 50—55 ընդհանուր ջրաղացի մոտ մնալուց հետո, հանկարծ նկատեցինք Կարսի կողմից եկող երկու բեռնատար ավտոմեքենան՝ լիքը մաուզերիստներով, որոնք գնում են դեպի Ալեքսանդրապոլ։ Մեզ նկատելով, նրանք մեքենաները կանգնեցրին, շտապ իջան և սկսեցին կրակել մեզ վրա... մենք այդ ընդհանուր ջրաղացի մոտ հասնելով, մեր ընկերներից մի մասը նստել էր հանգստանալու... Ահա այդ դրությամբ մեզ վրա հարձակվեցին մաուզերիստները, մենք, իհարկե, պատահանեցինք։ Տեղի դրությունը մեզ համար չափազանց աննպաստ էր, հարմար դիրքեր չուներինք, գլխավորապես որպես ամբոթյուն մեզ համար ծառայեց ջրաղացի հետևի պատը, որտեղից և մեր ընկերները կրակում էին։ Մոտավորապես 10—15 ընդհանուր կրակելուց հետո, մաուզերիստներին օգնության հասան հարևան գյուղից եկած զինված խմբերը, որոնք կլինեին մոտավորապես 40—50 հոգի։ Դրանց զալուց հետո դեպի Ալեքսանդրապոլ մեր անցնելու ճանապարհը բոլորովին փակվեց, թշնամու ուժերը կրկնապատկվեցին, իսկ մեր փամփուռները, ընդհակառակը, սկսեցին վերջանալ։ Այսպիսով, մոտ մեկ ժամ կովեղուց հետո մեզանից մի քանի հոգի սպանվեցին, մի քանիսը գերի բռնվեցին, իսկ մի քանի հոգի նահանջելով, դեպի մոտակա բլուրը... ազատվեցին...»¹։

Նույնն են հաստատում ականատես գյուղացիները, որոնք պատմում են, որ կովի ընթացքում բոլշևիկները թեպետ բոլորովին անհարմար և աննպաստ դիրքեր ուներին՝ օգտագործում էին ջրաղացի ետևի պատը և առուները, սակայն կարողանում էին կանգնեցնել մեծ թիվ կազմող հակառակորդի հարձակումը։

Ապստամբների հերոսական դիմադրության մասին, ջրաղացում եղած գյուղացիներից մեկ ուրիշը պատմել է.

«Բոլշևիկներին փամփուռները աստիճանաբար վերջանում էին, նրանք հարձակվող թշնամու վրա սկսեցին նետել ձեռքի նռնակներ։ Մենք տեսնում էինք, թե ինչպես փրվալեցի բոլշևիկ Սուրեն Օսոռուկյանը ջրաղացի առվի միջից կրակում էր. սակայն փամփուռները վերջանալուց հետո հրացանը նետեց և սկսեց կովել ձեռքի նռնակներով, բայց այդ ևս վերջացավ։ Մաուզերիստները շրջապատեցին բռնեցին նրան, դուրս քաշեցին ջրի միջից և ջրաղացի դռանը գնդակահարեցին»²։

Այդ նույն ականատես գյուղացիները Ղուկաս Ղուկասյանի գնդակահարման մանրամասնությունների մասին պատմում են հետևյալը.

«Բոլշևիկներին փամփուռը վերջանալու հետևանքով նրանց կրակոցները աստիճանաբար լուռում են։ Դաշնակցական մաուզերիստները քայլ առ քայլ մոտենում են ջրաղացին։ Նրանք սկսեցին կրակել ջրաղացի փակ դռան վրա։ Զրադաժյան Միսոն վախենալով՝ բացեց ջրաղացի դուռը։ Հանկարծ ներս մտան ութ-տաս հոգի դաշնակցական մաուզերիստներ, որոնք տեսնելով պատի մոտ ընկած վերավոր բոլշևիկին (Ղ. Ղուկասյանին), որը սոս 20—22 տարեկան թխադեմ երիտասարդ էր, անմիջապես տեղն ու տեղը դնդակահարեցին»³։

¹ Համկ(ր)Պ ԿԿ-ին Կից Մարքսի—Լենինի ինստիտուտի Հայկական ֆիլիալ, ֆոնդ 16, գործ 1, թերթ 4։

² Նույն տեղում, գործ 2, թերթ 4։

³ Նույն տեղում։

Այդ անհավասար մարտում ընկնում են Կարսի ապստամբության ղեկավար ու կազմակերպիչ Ղ. Լուկասյանը և նրա մարտական ընկերներ՝ Սուրեն Օսոուկյանը, Հովհաննես Մանուկյանը, Գուրգեն Դուզակատյանը, Քերոբ Ուշատրյանը, Յավրակովը և Ուրիստովսկին։ 11 ապստամբներ ընկնում են հակառակորդի ձեռքը, իսկ մնացածները կոչով նահանջում են։

Ալեքսանդրապոլի և Կարսի բանվորներին ու զինվորներին հերոսական ապստամբության լուրը, լայն արձագանք գտնելով ամբողջ երկրում, ոտքի է հանում աշխատավորական լայն մասսաներին։ Ապստամբություններ են բռնկվում Նոր Բայազետի գավառում, Ղազախ-Շամշադինում, Դիլիջանում, Զանգեզուրում և մյուս վայրերում։ Մի շարք քաղաքներում և շրջաններում՝ ինչպես, օրինակ, Իգդիրում, Ղարաքիլիսայում (Կիրովական), Կաղզվանում, Ղամաբլում (Արտաշատ) և այլ տեղերում ստեղծվում է լարված դրություն։ Բանվորները, աշխատավոր գյուղացիները անսահման առելու-թյամբ լցված դեպի դաշնակների և օտարերկրյա գաղութարարների անտանելի լուծը, տոգորվում են ապստամբական տրամադրությամբ, սակայն Ալեքսանդրապոլի և Կարսի ապստամբության ճնշումը կանխում է հիշված վայրերում ապստամբության բռնկումը։ Ամենուրեք սկսվում են կոմունիստների, ղեկավար ուղուցիոներների ու գյուղացիների ձերբակալություններ։

* * *

Կարսի բանվորների և զինվորների ապստամբությունը հանդիսանում է 1920 թվականի մայիսին Հայաստանում տեղի ունեցած ապոտամբության վառվոր էջերից սեղը, որը, ինչպես ամբողջ Հայաստանում, այնպես և Կարսում ցույց տվեց, որ աշխատավորները այլևս չէին ուզում հանդուրժել անգլո-ամերիկյան իմպերիալիզմի գործակալ դաշնակների մաուզերիստական տիրապետության լուծը, ցանկանում էին հաստատել աշխատավորների իշխանություն՝ սովետական կարգեր։

Կարսի բանվորների և զինվորների ապստամբությունը սերտ կերպով կապված էր ամբողջ երկրում ծավալվող ուղուցիոն իրադրությունների հետ, առաջին հերթին Ալեքսանդրապոլի աշխատավորների պայքարի հետ։ Ուստի Կարսի ապստամբության ճնշման պատճառները պարզելիս, անհրաժեշտ է նկատի ունենալ մի շարք հանգամանքներ։

Հայաստանի ռազմա-ուղուցիոն Կոմիտեի և Արմենկոմի կողմից թույլ տրված սխալներն ու վրիպումները բացասական նշանակություն ունեցան ապստամբության ընթացքի վրա։ Նախ՝ տարբեր վայրերում ապստամբությունները սկսվեցին տարբեր ժամանակ, մեկը մյուսից անջատ, մյուս կողմից Ռազմա-ուղուցիոն Կոմիտեն հարձակողական տակտիկայի փոխարեն անցավ պաշտպանողական տակտիկայի, որն ապստամբության համար մահ էր։ Ընկեր Ստալինը ասում է, որ ռաբքսի կարծիքով, ով ապստամբության հաղթությունն է ուզում, նա պետք է հարձակման ուղին բռնի... Իսկ ինչ վերաբերում է համարձակ հարձակողական գործողություններին, ապա այս, Մարքսի կարծիքով, ամեն մի ապստամբության միսն ու արյունն է՝ Ալեքսանդրապոլում, Կարսում և մի քանի այլ վայրերում իշխանությունը վերցնելուց հետո թշնամին մինչև վերջը ջախջախելու։

1 Ի. Վ. Սաալին, Երկեր, հատ. 1, էջ 274—275։

խիչ հարված չստացաւ: Այդ սխալ քաղաքականութիւնը մեծապէս վնասեց նոր հաստատված իշխանության ամրապնդման գործին: Ապստամբ քաղաքներին ու շրջաններին ուժերի համատեղ գործողութիւններ չծալալիցին, թշնամուց չխլից հարձակման նախաձեռնութիւնը:

Կոնտրոլուցիայի համեմատութեամբ ուղղուցիոն ուժերի բացարձակ գերակշռութիւնն ունենալով հանդերձ, Արմենկոմը և Ռազմա-ոսկուցիոն Գոմիտեն չսկսեցին իրենց հետագա գործողութիւնները, չմշակեցին ճակատամարտերի տակտիկա:

«Ապստամբութիւնը շահելու համար,—սովորեցնում է ընկեր Ստալինը,— անհրաժեշտ է նախապէս կռիւի սլան կազմել, նախապէս ճակատամարտի տակտիկա մշակել, անհրաժեշտ է կազմակերպված ջոկատներ ունենալ և այլն»¹ մի բան, որ բացակայում էր մայիսյան ապստամբութեան ժամանակ:

Վճռական հարձակումը թշնամու դեմ, համարձակ գործողութիւնները ապստամբութեան հաղթանակի կարեւորագույն նախապայմաններն են, որ չխրականացվեցին:

Այդ բոլորի հետեանքով՝ սկզբից դուխը կորցրած թշնամին օգտուեց ապստամբութեան ղեկավարութեան հապաղումից և, ուշքի գալով, անցաւ հարձակման:

Մայիսյան հերոսական ապստամբութիւնը ճնշվեց, բայց թշնամուն չհաջողվեց և չէր էլ հաջողվի կասեցնել աշխատավորների հետագա պայքարը հանուն սովետական կարգերի հաղթանակի Հայաստանում:

Բազմաչափ հայ ժողովրդի ազատութեան, նրա դալիք փառավոր ապագայի համար մղված հերոսական պայքարում ընկան իրենց ժողովրդին, լենինի-Ստալինի փառապանծ պարտիայի մեծ և անպարտելի գործին ու սովետական կարգերին նվիրված հարյուրավոր անընկուն մարտիկներ, սակայն նրանց գործը փառաց կենդանի, նրանց պայքարը շարունակվեց: Այն շարունակեցին հազարավոր կոմունիստներ, որոնք խտացրել էին Հայաստանի կոմունիստական պարտիայի շարքերը: Այդ պայքարը շարունակեց ինքը՝ ժողովուրդը: Ռուս մեծ ժողովրդի, նրա փառապանծ բանակի եղբայրական օգնութեամբ, հայ ժողովրդի ազատարարներ լենինի ու Ստալինի անմիջական ղեկավարութեամբ, լենինի-Ստալինի ղիականներ Ս. Օրջոնիկիձէի և Ս. Մ. Կիրովի գլխավորութեամբ Հայաստանի աշխատավորները 1920 թվականի նոյեմբերին տապալեցին դաշնակներին արեւոտ տիրապետութիւնը, երկրից դուրս շարտեցին անգլո-ամերիկյան գաղութարարներին և նվաճեցին իրենց ազատութիւնը:

Երկրում հաստատելով սովետական իշխանութիւնը, Հայաստանի աշխատավորները, կոմունիստական պարտիայի ղեկավարութեամբ և ՍՍԽՄ-ի բազմազգ եղբայրական ժողովուրդների մեծ ընտանիքում անցած 32 տարիներին ընթացքում Հայաստանը դարձրին առաջավոր ինդուստրիայի և դյուղատնտեսութեան երկիր, բուսական ծաղկման հասած գիտութեան ու կուլտուրայի երկիր, ՀամԿ(Բ)² Կենտկոմի և անձամբ ժողովուրդների մեծ առաջնորդ ընկեր Ստալինի գլխավորութեամբ հայ ժողովուրդը Սովետական Միութեան մյուս ժողովուրդների հետ միասին գնում է զեպի կոմունիզմ:

¹ Ի. Վ. Ստալին, Երկեր, հատ. 1, էջ 272: